



Vilhelmus ex illustri familia comitum Nassouiorū natus, & in omni genere uirtutum honestè educatus est. Is à pueris operam literis dedit, & mediocrem earum usum sibi cōparauit. Postea Vraniensis princeps constitutus, Cæsaris castra sequi, & corporis sui fortitudinem declarare cœpit. In eo genere uitę talem se exhibuit, ut à Carolo Imperatore aurei uelleris eques crearetur, & in summum illum militare ordinem reciperetur. Ut autem Vuilhelmus Carolo Cæsari gratus, ita etiam Philippo eius filio Hispaniarū regi acceptissimus fuit, ita ut ipsius nomine inter Belgas res maximas administrarit, & magnum sibi nomen conciliarit.

In comitijs quoq; Imperij principibus adfuit, atq; 1558 Electoribus Caroli Cæsaris nomine Imperium restituit, & ut Ferdinandus Imperator eligeretur petijt. Pari modo etiam postea, cum Maximilianus 1562 Franckofort rex Romanorum decerneretur, interfuit, & cunctis principibus ob multas animi & corporis uirtutes innotuit. Hoc modo Vuilhelmus etiamnum pergit, & patrię ornamento existit. Anon,